

Krajnji rok za prijave: **18.10.2019.**

Radno mjesto za koje je raspisan konkurs:

1/01 Stručni savjetnik za obezbjeđenje kvaliteta u Kontrolnoj laboratoriji

---

[Termin polaganja intervjua](#)

---

Na osnovu člana 19. stav (1) i člana 20., a u vezi sa članom 31. stav (1) [Zakona o državnoj službi](#) u institucijama Bosne i Hercegovine („Službeni glasnik BiH“, br. 19/02, 35/03, 4/04, 26/04, 37/04, 48/05, 2/06, 32/07, 43/09, 8/10, 40/12 i 93/17), Agencija za državnu službu Bosne i Hercegovine u ime Agencije za lijekove i medicinska sredstva Bosne i Hercegovine, raspisuje

**INTERNI OGLAS**

**za popunjavanje radnog mjesta državnog službenika**

---

## **u Agenciji za lijekove i medicinska sredstva Bosne i Hercegovine**

□

### **SEKTOR ZA OBEZBJEĐENJE KVALITETA U SARAJEVU**

#### **1/01 Stručni savjetnik za obezbjeđenje kvaliteta u Kontrolnoj laboratoriji**

**Opis poslova i radnih zadataka:** Planira, organizuje, i koordinira izvršenje poslova koji se odnose na upravljanje kvalitetom i njegovog održavanja u KL; koordinira aktivnosti za izradu novih dokumenata, odnosno procedura sistema kvaliteta; koordinira aktivnosti vezane za definisanje, izradu i izmjenu specifikacija kao i proces prijemne kontrole laboratorijske opreme, hemikalija, laboratorijskog stakla, i drugih materijala potrebnih za KL; koordinira aktivnosti vezane za izmjene i usaglašavanje postojeće dokumentacije sistema kvaliteta ( Poslovnika o kvalitetu i drugih ); definiše liste zapisa, mjesta, vremena i načina čuvanja, učestvuje u procesu verifikacije isporučilaca, analize upitnika o isporučiocima o stanju njihovog sistema kvaliteta i učestvuje u izradi liste verifikovanih isporučilaca; učestvuje u internim provjerama sistema kvaliteta; učestvuje u predlaganju korektivnih mjera, realizaciji i praćenju realizacije korektivnih mjera; učestvuje u realizaciji i praćenju realizacije preventivnih mjera; učestvuje u pripremi izvještaja o kontroli kvaliteta lijekova uzimanjem slučajnih uzoraka i izvještaja o biološko-mikrobiološkom ispitivanju lijeka; izradi izvještaja o stanju sistema kvaliteta, internim provjerama i aktivnostima kontrole kvaliteta; učestvuje u izradi plana obuke za oblast upravljanje kvalitetom i u realizaciji tog plana; priprema planove i analize aktivnosti iz djelokruga rada odsjeka; priprema programe, planove rada i izvještaje o radu iz djelokruga odsjeka i evidencija; upravlja kvalitetom u odnosu na zahtjeve „ISO“ 17025 standarda; prati propise „EU“ i prati i sprovodi smjernice „EU, ICH“i druge međunarodne stručne standarde; obavlja i druge poslove koje mu odrede nadređeni. Odgovara nadređenima za profesionalan, efikasan i uspješan rad uposlenika i izvršenje rada službe; provođenje mjera zaštite na radu; zaštitu poslovne tajne

**Posebni uslovi:** VSS (VII stepan) stručna sprema, Farmaceutski fakultet, PMF ili tehnološki fakultet; najmanje 3 godine radnog iskustva u struci; aktivno znanje engleskog jezika

; poznavanje rada na računaru; položen stručni upravni ispit.

**Status:** državni službenik

**Broj izvršilaca:** jedan (1)

**Mjesto rada:** Sarajevo

**Na ovaj oglas mogu se prijaviti samo lica zaposlena kao državni službenici u Agenciji za lijekove i medicinska sredstva Bosne i Hercegovine.**

**Napomena za sve kandidate:**

- Komisija za izbor bira kandidate na osnovu podataka iz prijave, kao i znanja i sposobnosti pokazanih na stručnom ispitu koji se za kandidate prijavljene na interni oglas sastoji od intervjua.
- Kandidati se obavještavaju o mjestu i vremenu održavanja intervjua od strane institucije i putem službene internet stranice Agencije za državnu službu BiH.
- Nezavisno o svim drugim zahtjevima iz ovog oglasa, kandidati koji su završili studije po Bolonjskom sistemu studiranja, dužni su, pored ostale tražene dokumentacije, obavezno dostaviti diplomu prvog ciklusa (ili osnovnog dodiplomskog studija), čak i ako se oglasom traži drugi i treći ciklus Bolonjskog sistema studiranja, osim za integrisane studije kod kojih je potrebno dostaviti i dokaz da se radi o integrisanom studiju, ako to nije vidljivo iz same osnovne diplome, dodatka diplomi ili rješenja o nostrifikaciji/priznavanju.
- Pod radnim iskustvom podrazumijeva se radno iskustvo nakon stečene visoke stručne

spreme, odnosno visokog obrazovanja.

- Kandidat koji bude prvi na listi uspješnih kandidata, odnosno koji bude postavljen na oglašeno radno mjesto državnog službenika, po dobijanju rješenja treba instituciji dostaviti uvjerenje o nevođenju krivičnog postupka (ne starije od tri mjeseca), radi odlaganja istog u njegov personalni dosije.

□

### **Potrebni dokumenti:**

#### **I Ovjerene kopije:**

- univerzitetske diplome (nostrifikovane/priznate diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine);
- dodatka diplome za kandidate koji su visoko obrazovanje stekli po Bolonjskom sistemu studiranja; iznimno, samo u slučaju da visokoškolska ustanova dodatak diplomu nije uopšte izdavala, niti za jednog diplomca, kandidat je dužan da uz ovjerenu kopiju univerzitetske diplome dostavi uvjerenje visokoškolske ustanove da dodatak diplomu nije uopšte izdat, niti za jednog diplomca;
- [uvjerenja o državljanstvu](#) (ne starije od 6 mjeseci od dana izdavanja od strane nadležnog organa);
- [uvjerenja o položenom stručnom upravnom odnosno javnom ispitu](#) ;
- [potvrde ili uvjerenja kao dokaza o traženoj vrsti radnog iskustva](#) ;

- dokaza o traženom znanju rada na računaru;
- uvjerenja/potvrde/certifikata o aktivnom znanju traženog [jezika](#) , najmanje B2 nivoa ili ekvivalenta nivoa B2

## **II Svojeručno potpisan:**

- [popunjen obrazac](#) Agencije za državnu službu BiH: isti možete preuzeti na web stranici Agencije: [www.ads.gov.ba](http://www.ads.gov.ba) ili u prostorijama Agencije za lijekove i medicinska sredstva Bosne i Hercegovine. Napominjemo da potpisan i [popunjen obrazac](#) ne može služiti kao dokaz bilo kog uslova iz teksta oglasa, isti olakšava rad organu koji vrši izbor i imenovanje, te predstavlja samo informacije o kandidatu, koje je potrebno dokazati traženom dokumentacijom.

Ovjerene kopije dokumenata nemaju ograničen rok važenja, pod uslovom da ni dokumenti čije su kopije ovjerene nemaju naznačen (preciziran) rok važenja.

## **Obratiti pažnju na sljedeća dokumenta koja ne treba dostavljati, jer ista ne mogu služiti kao valjan dokaz:**

- Uvjerenje o diplomiranju starije od godinu dana. Univerzitetske diplome akademskog zvanja magistra ili ekvivalenta, akademskog zvanja doktora ili ekvivalenta ili dr. slične diplome, ukoliko iste nisu eventualno tražene u posebnim uslovima teksta oglasa. Iste ne mogu dokazati stečeno zvanje završenog dodiplomskog (osnovnog) studija. Ne dostavljati univerzitetsku diplomu bez dodatka diplomi ukoliko je visoko obrazovanje stečeno po Bolonjskom sistemu studiranja.

- U pogledu dokazivanja državljanstva i starosne dobi ne treba dostavljati kopiju lične karte, obavještenje da je uveden u evidenciju prebivališta – boravišta sa ličnim podacima (obrazac prijava/odjava), nevažeće uvjerenje o državljanstvu, odnosno, uvjerenje starije od šest mjeseci od dana izdavanja od strane nadležnog organa.
  
- U pogledu dokazivanja stručnog upravnog ispita odnosno javnog ispita ne dostavljati uvjerenja stručnih ispita u okviru drugih struka, uvjerenja o položenom ispitu za sudiju za prekršaje i sl.
  
- U pogledu radnog iskustva ne dostavljati: radnu knjižicu jer ista ne može dokazati nijedan oblik radnog iskustva, može dokazati samo radni staž. Potvrde/uvjerenja kojima se dokazuje radni staž, takođe neće biti uzete u razmatranje, jer radni staž predstavlja samo vrijeme koje zaposlenik provede u radnom odnosu, isti ne može dokazati o kojoj vrsti radnog iskustva je riječ; ugovor o radu, ugovor o obavljanju privremenih i povremenih poslova, ugovor o djelu i dr. ugovore; rješenje ili odluku o zasnivanju/prestanku radnog odnosa - isti dokazuju samo početak/prestanak radnog angažmana i naziv radnog mjesta, ne i kontinuitet istog; sporazum, preporuke ili druge slične isprave ukoliko ne sadrže sve elemente potvrde/uvjerenja, uvjerenja izdata od strane PIO/MIO o podacima registrovanim u matičnoj evidenciji bez potvrde PIO/MIO gdje je navedena šifra zanimanja. Takođe, ne dostavljati dokumenta koja ne sadrže elemente potvrde ili uvjerenja, odnosno dokumenta u kojima nije decidno navedeno sledeće: osnovne generalije, vrsta školske sprema u okviru radnog mjesta tj. stručna sprema predviđena za konkretno radno mjesto, naziv radnog mjesta, preciziran period radnog angažovanja, te ostalim relevantnim podacima za dokazivanje tražene vrste radnog iskustva.
  
- U pogledu dokazivanja nivoa znanja stranog [jezika](#) ili rada na računaru, ne dostavljati potvrdu ili uvjerenje poslodavca gdje je lice bilo u radnom odnosu, kojom poslodavac potvrđuje znanje stranog [jezika](#) ili rada na računaru, jer isti nije registrovan za obavljanje te djelatnosti, te takvi dokazi nisu valjani. Ne dostavljati svjedočanstva o završenim razredima srednje škole.
  
- Nepotpisan, nepopunjen, ispravljen ili izmijenjen prijavni obrazac.

Za dodatne informacije, u pogledu potrebne dokumentacije, kandidati se upućuju na službenu internet stranicu Agencije za državnu službu BiH ([www.ads.gov.ba](http://www.ads.gov.ba)), link Konkursi/Stop greškama u prijavama.

Izborni proces se provodi u skladu sa odredbama Pravilnika o uslovima i načinu obavljanja internih konkursa, internih i eksternih premještaja državnih službenika u institucijama Bosne i Hercegovine („Službeni glasnik BiH“, br 62/10, 30/14 i 38/17) i Pravilnika o karakteru i sadržaju javnog konkursa, načinu sprovođenja intervjua i obrascima za sprovođenje intervjua („Službeni glasnik BiH“, br: 63/16 i 21/17), čiji je sastavni dio Okvir kompetencija.

Sve tražene dokumente treba dostaviti najkasnije **do 18.10.2019. godine**, putem poštanske službe preporučenom pošiljkom na adresu:

**Agencija za lijekove i medicinska sredstva Bosne i Hercegovine**

**“Interni oglas za popunjavanje radnog mjesta državnog službenika u Agenciji za lijekove i medicinska sredstva Bosne i Hercegovine”**

**78000 Banja Luka, Veljka Mladenovića bb**

Ispunjavanje uslova utvrđenih ovim oglasom računa se sa danom predavanja prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Oglasa, kao i kopije tražene dokumentacije koje nisu ovjerene, neće se uzimati u

razmatranje.